

در سعادته یکی پوسته خانه قارشوسند
دائرة مخصوصه در

محل اراره:

مشارقه

۱۳۲۶

دین، فلسفه، ادبیات، حقوق و علوم دین باحث هفته لقا رساله در

مسلك كنزه موافق آثار جدیده مع المنونیه قبول اولنور
درج ایدیلین آثار اعاده اولنار

اضافه:

مؤسسلری: ابوالعلا زین العابدین - ح. اشرف ادیب

تاریخ تأسیسی:

۱۱ نموز ۳۲۴

سنه لکی القایلی

۳۵ ۶۵

۵۰ ۹۰

۵۵ ۱۰۰ غروشدر

در سعادته

ولایاتده

ممالک اجنبیهده

در سعادته نسخه سی ۵۰ پاره در

قیرطه دن مقوا بورو ایله کوندریلیرسه سنوی
۲۰ غروش فضله آلنیر.

در سعادته پوسته ایله کوندریلیرسه ولایات بدلی اخذ اولنور.

عدد: ۴

۳۲۶ شعبان ۲۱ پنجشنبه ۴ ایلول ۳۲۴

برنجی سنه

حکمت حقوق اسلامیة

مقرری : مجلس معارف رئیس حیدر افندی مرحوم
محرری : سلاطین مکتب حقوق معلمین عادل بک

— مابعد —

صدقده میندرد. زیرا سطحده یا لکز طول و عرض بولنوب جسم ایسه ابعاد ثلثینی مختوبدر. لکن جسمك تحقق ایتدیگی محله سطح وسطك تحقق ایتدیگی محلهده بهمه حال جسم بولنغله سطح ایله جسم وجود و تحققده یکدیگرینه مساوی اولمش ولونك جسمه عروضنه سطح وجود و تحققده مساویسی بولنان واسطه اولنجه لون دخی جسمك اعراض ذاتیه سندن عد اولمشدر .

برشیک جزؤ اعمی حیواندن جزؤ اعمدر، ویا خارج اعمی حیواندن اعمدر، ویا خارج اخصی انساندن اخصدر، ویا خود امر مبانی سببیه اول شینه عارض اولان احوال، اعراض غریبه سندن عبارتدر . انسانه عارض اولان مشی، حرارت، زنکیک اولکی قسمه.. حرارتك صویه عروضی ایسه قسم اخیره مثالدر. یعنی بولنرمایتدن خارج بر امر سببیه عارض اولیور. مثلاً حرارتك حیوانه عروضنه واسطه حرکتدر. کذا ثروتك انسانه عروضنه واسطه کسب و تجارتدر، یعنی عروضده واسطه اولان شیء معروضدن اخصدر. کذا حرارتك صویه عروضی آتش سببیهدر. یا لکز بوعروضه واسطه اولان صو ایله آتش پیننده مبانیت وارددر. احوالده حرارتك صویه عروضی ده اعراض غریبه سندنردر .

دیك كه علم اصول فقهده دخی ادلهك اعراض ذاتیه سندن بحث اولنه جق . اعراض غریبه سندن دكل. مثلاً ادله دن اولان کنابدن بحث اولندیقی وقت اونك عام، خاص، مشترك، مؤل، نسخ کبی ادلهك احوال سندن بحث اولنه جق . مثلاً نمازك وجوبی [اقیما] امرندن استدلال ایدیهك، ایشه بو دلیل بر امردر، امر ایسه وجوب افاده ایدر، بلا قرینه امر شویله اولور، دییه صرف اودلیك احوال سندن بحث اولنه جق . یوقسه (اقیما) افعال باندن امردر، فعل لازم ویا متعدی می در ؟ اقامت شومعنایه کلور، مصدری ده بودر .. کبی ادلهك اعراض ذاتیه سندن اولمیان مباحث موضوع علمدن خارجدر. والحاصل دلیك اعراض ذاتیه سندن یعنی ادله ایچون مناسب وملائم اولان عوارضدن بحث اولنه جقدر که اونزده مثلاً مشترك، مؤل، حقیقت، مجاز کبی شیلدر . یوقسه قدیم اولمق، حادث اولمق کبی احوال غریبه ایله مشغول اولمیز. مثلاً بر دولکرك نظری تحتنهك اینجه . لکنه، قالدنغنه، یاشلغنه، قورولغنه تعلق ایدر . فقط اوتحتنهك دها بر چوق احوالی وارددر . مثلاً تحت، کیمیایه، فلسفه ده تطبیق اولنه ییلور. فقط دولکرك بوکبی شیلری دوشونمکه وقی و احتیاجی واری ؟ اوکا لازم اولان شیء تحت سندن اینجه لکی وسائر سیدر . ایشه ادلهك بحث اولنه جق احوالیده دولکره نسبتله تحت حقنده کی احوال مناسبه سی کبی در، یعنی علم اصوله چالیشان آدمیر دلیلارک احوال

مناسبه سیله اوغراشیر، تحصیل ایده جکی شیئه مناسب احوال ایله اشتغال ایدر .

*

*

ادلهك اعراض ذاتیه سندن « بحث » اولنه جق دیسورز، بوراده بحثدن مراد، حل واثباتدر. [یوقسه لغه] (بحث) تفتیش و تفحص معناسنه در [یعنی اعراض ذاتیه بی موضوع علم اوزرینه حل ایتکدر . تعبیر آخرله موضوع بحث اولان مسئله ده اعراض ذاتیه بی محول قیلق دیكدر .

مثلاً : [کتاب حکم شرعی بی مثبتدر] دیدیکمز وقت شوقضیه ده (کتاب) موضوعدر . اعراض ذاتیه دن اولان (مثبت) ایسه قضیه مزك محولی در . اثباتی، عین دلیل اولان کتاب اوزرینه حل ایتمش اولیورز. کذا : [امر وجوبی افاده ایدر] جمله سیده بر قضیه در . موضوعی (امر)، محولی ده (وجوب افاده ایدر) جمله سیدر. کذا : (زید کاتب) دیدیکمزده (زید) موضوعدر . اعراض ذاتیه دن اولان (کاتب) ایسه محولدر .

*

*

« کلاشلدی که مسائل اصولیه بی تشکیل ایدن هر بر قضیه ده محول، ادلهك اعراض ذاتیه سندن بریسی اوله جقدر . فقط بر علمه اشبو عرضلردن بحث اولنور دیك دن مقصد نه در ؟ اعراض مذکورده دن بحث ایتک سکز صورتله اولور :

[۱] مسئلهك موضوعیده یا موضوع علمك عین مطلقیدر . [دلیل شرعی حکم شرعی بی اثبات ایدر] قضیه سنده اولدیغی کبی (موضوع) دلیل شرعیدر، (محول) ده « حکم شرعی بی اثبات ایدر » سوزی در . [۲] یاخود موضوع مسئله موضوع علمك عین مقیدیدر . یعنی موضوع مسئله موضوع علمك عینی ایسه ده عرض ذاتی ایله مقیددر [دلیل معین ومؤل ظنی افاده ایدر] قضیه سنده اولدیغی کبی که بوراده موضوع اولان دلیل موضوع علمك عینی ایسه ده (مؤل) قیدیه مقیددر .

[۳] ویا موضوع مسئله موضوع علمك مطلق اولور : [امر وجوبی افاده ایدر] قضیه سی کبی که (امر) موضوع علم اولان ادله دن بر نوعدر .

[۴] یاخود موضوع مسئله موضوع علمك مقیدی در . [اباحه قرینه سنه مقارن اولان امر اباحه افاده ایدر] قضیه سنده اولدیغی کبی که بوراده موضوع مسئله اولان (امر) موضوع علم اولان ادله دن بر نوع وهمده اباحه قرینه سنه مقارن اولغله مقیددر .

[۵] بعضاً ده موضوع مسئله موضوع علمك اعراض ذاتیه سنك عینی مطلق اولور، [خاص حکم قطعی بی ایجاب ایدر] کبی که موضوع مسئله اولان (خاص) موضوع علم اولان ادلهك اعراض ذاتیه سندنردر .

مابعدی وار